

'KERJASAMA DENGAN BRUNAI TIADA BATASAN'

KUALA LUMPUR, Rabu — Menteri Luar Negeri, Tan Sri Ghazali Shafie berkata, hubungan Malaysia dan Brunai tidak mempunyai sebarang batasan dalam

mewujudkan kerjasama yang bertanggungjawab.

Hubungan antara kedua negara akan terus rapat dan berkekalan, katanya dalam satu sidang akhbar, di sini, hari ini.

Tan Sri Ghazali menjelaskan, bantuan yang dapat dihulurkan antara Malaysia dan Brunai akan memberi makna yang besar dalam hubungan masa depan.

Lawatan yang dilakukan oleh Menteri Besar Brunai baru-baru ini, menandakan betapa eratnya hubungan antara kedua negara.

Lawatan Timbalan Perdana Menteri, Datuk Musa Hitam ke negeri itu tidak lama lagi akan dapat menjalinkan hubungan yang lebih mesra.

Beliau juga berkata, Menteri Luar Indonesia, Profesor Mokhtar Kusumadja menziarahinya semalam untuk mengetahui secara lebih dekat mengenai kemalangan udara yang dialaminya baru-baru ini.

Bahan asal dari Arkib
Negara Malaysia